

ՏԱՍԵՆՈՐԳԷ ՏԱՐԻ

ՄՈՒԿ

Տարեկան գինը 10 ռուբլ, կես տարվանը 6 ռուբլ:

Առանձին համարները 5 կոպեկով:

Թիֆլիսում գրվում են միմյանի կամարատան մէջ:

Ստորագրողացիք սխում են սպասել:

Тифлис. Редакция «Мука»

Խմբագրատունը բաց է առաւօտեան 10—2 ժամ

(Բացի կիրակի և տոն օրերից)

Յայտարարումն են ընդունում է ամեն լեզուով:

Յայտարարումներն են համար գծարում են

խորտանչիւր լուսին 2 կոպեկ:

ԲՈՎԱՆԳԱԿՈՒԹԻՒՆ

Հայի անցեալ փառքը: — ՆԵՐՔԻՆ ՏԵՍՈՒԹԻՒՆ, Նամակ Երևանից, Նամակ Ղուբայից, Նամակ Խմբագրին, Ներքին լուրերը:—ԱՐՏԱՔԻՆ ՏԵՍՈՒԹԻՒՆ, Միացեալ ընկերութիւնը հայոց, Թիֆլիսի Արտաքին լուրերը:—ԽԱՌՆ ԼՈՒՐԵՐ, —ՀԵՌԱԳԻՐՆԵՐ, —ՅԱՅՏԱՐԱՐՈՒԹԻՒՆՆԵՐ:

ՀԱՅԻ ԱՆՑԵԱԿ ՓԱՌՔԸ

Հին հայոց աւերակները կամ նրանց նշանները տեսնելով, մենք առհասարակ հիանում ենք նրանց փառահերոսութեան վրա, գմայլովում ենք շինութիւնների անմահ ճարտարագետութեան վրա: Տեսնելով հայոց անցեալ կեանքից այդ փառաւոր մնացորդները, այդ եկեղեցիներն ու մատուռները, այդ իշխանական պալատները, մենք ականջով բացականչում ենք՝ «որքան բարձր աստիճանի վրա պետք է կանգնած լինէր հայոց ազգի անցեալ քաղաքակրթութիւնը»:

Բայց համեմատելով այդ երեւոյթները հայի այժմեան կեանքի համեմատան երեւոյթների հետ, մենք հակված ենք լինում կարծել որ այդ անցեալ փառքը մի խորուստի երազ էր:

Գուցէ մինչդեռ զեղեցիկ եկեղեցիներ էին կառուցվում—ու մի դպրոց չէր կար հայերի մէջ, փառաւոր իշխանական պալատների կողքին, կարելի է, ամբոխի խորին աղքատութիւն էր տիրում...:

Եւ ճշմարիտ նոյնանման երեւոյթներ մենք նկատում ենք և մեր ժամանակակից կեանքի մէջ: Գնացեք մի որ և է հայաբնակ քաղաք կամ գիւղ,—և կը տեսնէք որ նոյն տեղ, որտեղ ձեր չորս կողմը խորին աղքատութիւն և խորին աղիւտութիւն է տիրում, ձեր առջև կանգնած է մի հոյակապ, սրբաւոր քարերից շինած մի եկեղեցի, որ հարիւր հազարներ է նստել հասարակութեանը,—իսկ դպրոց կամ ամենեւին չը կայ, կամ եթէ կայ, մի ողորմելի խրճիթ է, որ աւելի մի ակտի նման է, քան թէ դպրոցի: Մի փառաւոր եկեղեցի էք տեսնում ձեր առջև. երկու հարիւր քայլ հեռաւորութեամբ մի այլ եկեղեցի է կառուցված, իսկ այդ երկու եկեղեցիների մէջ տեղ դարձեալ մի նոր եկեղեցի է կառուցվում...:

Իսկ դպրոցը մի խնամա զեանափոր է, որի շինութեան և պահպանութեան համար նոյն հասարակութիւնը որ հարիւր հազարներ է ծախում փառաւոր եկեղեցիներ շինելու վրա, ընդամենը միանուագ 50 ռուբլ է տուել... Եթէ այժմեան երեւոյթների վրա դատելով, դատենք և մեր անցեալ կեանքի փառքի մասին, այդ անցեալը մի շատ զարգացած, քաղաքակրթ անցեալ չի երևայ մեզ...:

Ինչքան դարեր զոյգութիւն ունի հայոց ազգը. եթէ այդ բոլոր դարերի ընթացքում հայոց եկեղեցիների բնօրինակ խրաբանչիւր կիրակի լավեր հասկանալի բարբառով ժամասացութիւնը, քարոզի բարոյականացնող, մտաւորապէս զարգացնող կենդանի խօսքը, —այսօր հայոց ազգը աշխարհիս ամենագարգացած, ամենաքաղաքակրթ ազգերից մինը կը լինէր: Բայց կենդանի քարոզի,

Աստուծու խօսքն աւանդելու համար միթէ հարկաւոր էին այդ ահագին ծախսերը, այդ քարաշէն, մեծածախ շինութիւնները: Աւետարանի անմահ խօսքը կարելի է աւանդել և մի անշուք, համեստ, յարմար դասչլիճում:

Եթէ հաշուենք այն ահագին գումարները որ հայոց ազգը ծախսել է դարերի ընթացքում քարերի և աղիւսների վրա,—այդ գումարները հաւասար կը լինեն միլիոնների, որոնցով հայոց ազգի կրթութիւնը կարելի էր հասցնել ամենաբարձր աստիճանի և հաւասարացնել մեր քաղաքակրթութեան աստիճանը եւրոպական ամենագարգացած ազգերի քաղաքակրթութեան աստիճանի հետ:

Մեզ հաստատ աղբիւրներից պատմում են հետեւեալը: Թիֆլիսից Հայաստանում, Գիւմրի-Խանէ գիւղում, որ առաջ մի մեծ քաղաք է եղել, ժողովուրդը այն աստիճանի աղքատ է, որ իր հայրենիքում հնար չը գտնելով ապրելու, անդադար գաղթում է արդէն Գումրի-Խանէի մէջ շատ քիչ հայ ընտանիքներ են մնացել, որոնք նոյնպէս ամեն ընդամենը կը գաղթելու: Բայց, այնու ամենայնիւ նոյն Գիւմրի-Խանէի հայ հասարակութիւնը կառուցել է և աւարտել է մի հոյակապ, սրբաւոր քարերից շինած մի եկեղեցի, որ արժան էր գտնվել եւրոպական մի մայրաքաղաքի մէջ և որի վրա այնպիսի ահագին գումարներ են ծախսել տեղի հայերը, որ այդ գումարներով կարելի էր ոչ թէ միայն դպրոցներ շինել գիւղի մէջ, բայց և անտեսական, երկրագործական կամ արուեստագործական կողմից ծաղկեցնել գիւղը, և հարկ չէր լինի դիւղի հայերին գաղթել իրանց հայրենիքից: Իսկ աղօթելու համար նրանք շատ լաւ կարող էին կառուցանել մի մաքուր, ընդարձակ և փոքր ծախս պահանջող սրահ:

Եթէ հայի անտեսական ամբողջ կարողութիւն կլանող փառաւոր շինութիւնները ձգտելին լինել կրթարաններ, այդ դեռ հասկանալի կը լինէր: Բայց հայը շինում է մի եկեղեցի, ինքն աղքատանում է տուժար շինելուց յետոյ, ստիպված է գաղթել իր անդիզ և եթէ չը գաղթէր էլ,—այդ շինութեան բնօրինակ երբէք չէ լսվում կենդանի, զարգացողից խօսք, այլ միայն կատարվում են արարողութիւններ: Եկեղեցիներ էք կառուցանում, բայց չէք պատրաստում մի խելացի և հիմնաւոր կազմակերպութեամբ հոգեւորականներ, որոնք պէտք է քարոզէին այդ եկեղեցիների բնօրինակ քաղաքակրթիչ ազգեցութիւն ունենային տգէտ ամբոխի վրա:

Գ. Ա.

ՆԵՐՔԻՆ ՏԵՍՈՒԹԻՒՆ

ՆԱՄԱԿ ԵՐԵՒԱՆԻՅ

Մայիսի 24-ին

Անցեալ տարի Ալվազեան կարապետ վարդապետը Վ. Կաթողիկոսի հրամանով գնաց Ալաշկերտ և ասարա իր հետ 900 ռուբլ սովալուկ

ներին բաժանելու: Այժմ հաստատ աղբիւրներից լսում ենք, որ 1) Գ. հայրը 900 ռուբլ լրիւ չէ բաժանել: 2) մի փառաւոր յայտարարութիւն է տուել տեղացի իշխանութեան (փաշային) որպէս թէ բոլորովին սով չը կայ Ալաշկերտում: Փաշան այս յայտարարութիւնը ուղարկել է Բ. Գումր սա էլ ներկայացրել է նոյնը Ներքին պատրարգին, իբրև պաշտօնական հերքումն սովելոց մասնաժողովի յայտարարութիւնների: Եթէ այս լուրը հաստատվի, այն ժամանակ ինչ անուն պէտք է տալ Կ. վարդապետին: Հրախրում ենք Կ. վարդապետ Ալվազեանին յայտնել հրապարակաւ այս լրի մասին իր ասելովը:

Հաստատ տեղեկութիւն ունեմ, որ Վ. Կաթողիկոսը ուղարկել է Գրիգոր Կաթողիկոս Ալաշկերտացին, որ եկող սեպտեմբերից ձեռնարկում փոխտփայութիւն, Ֆրանսէզին և գերմաններն ընդունեն իրանց գրականութիւնով աւանդելու համար ուսուցչակետներ հրախրել: Ս. Ալաշկերտացի կարող է այդ նպատակի համար արտասանման էլ գնալ, եթէ Ռուսաստանում չը գտնվին ուղած մարդիկ: Հոգով համակրում ենք Վ. Կաթողիկոսին և գործունէութեանը. բայց ցաւում ենք յայտ, որ ձեռնարանը մոռցնել է տուել Վ. Կ. Հորթ թէ կան և ազգային տարրական, վիճակային և թեմական դպրոցներ, որք նոյնպէս կարօտ են նորին սրբութեան լուրջ մտախոհութեան և կարեկցութեանը:

Յուշի մէկից սկսվում են Ն. Թեմական դպրանոցի հարցաքննութիւնները. կարծիք չը կայ, որ ժողովուրդը չի մասնակցի քննութիւններին և այս տարի, թէ և հրատարակված է տեղական թերթի մէջ. բայց ցանկալի էր, որ հոգաբարձութիւնը ժողովրդի մեծերին հրախրէր առանձին կերպով և յայտնէր թեմ. դպրանոցի նիւթական վիճակի ողբալի դրութիւնը: Գարաւորը վտանգի մէջ է. եթէ պ. պ. երէցփոխանները չը բարհաճեն վճարել եկեղեցական գումարներից յատկացեալ հասոյթը, դպրանոցը կարող է փակել իր I. II և III դասարանները և դառնալ լոկ ծխական դպրոց:

Ժողովուրդը պէտք է դիմէ Վ. Կաթողիկոսին և խնդրէ որ նախ կատարել ապ իր և ս. Սեդիկի հրամանները երէցփոխաններին և գաւառական գործակալներին, որոնք համարձակվում են չը լսել յիշեալ հրամանների պատուէրները: Երևանայ նահանգի արդիւնքներից մի որ և է մասը յատկացնէ թեմական դպրանոցին, որի մէջ ամբողջ թեմից մօտ 220 աշակերտներ են կրթվում: Հոգաբարձութիւնը յայտն գնելով ս. Սեդիկից հրամայված արդիւնքների ստանալու վրա՝ իր նախորդների օրով ժողոված 11,000 ռուբլից ծախս է արել, որը պէտք է անմասնելի դրամադուխ համարվէր և այդ գումարից եկող սեպտեմբերին դպրանոցին մնացած կը լինի 3—4000 ռուբլ միայն: Չը գիտեմ այս հանգամանքում ո՞վ է աւելի մեղաւոր երէցփոխանները, որ իրանց օգուտն են մտածում միայն, թէ ժողովուրդը՝ որ զուտելի անտարբերութիւն է ցոյց տալիս զէպի եկեղեցին և դպրոցը: Հոգաբարձութիւնը, որ դպրոցի ուսումնական մասը բարձրացնելու և սրանով ժողովրդի համակրութիւնը զէպի դպրանոց գրաւելու խորհրդով, վտանց դպրանոցի դրամադուխը, գուցէ անվերապահաւորի կերպով. թէ վերջապէս մեղադրեմ Ն. Թեմութիւնը, որ կարծես ձեռնարկ է հրամաններ արձակում և էլ չէ հետաքրքիր լինում թէ ո՞վ կատարեց իր հրամանը, և ո՞վ արձամարհեց: Թէ այսպէս և թէ այնպէս, մեր թեմական դպրանոցի ապագան վտանգալի է, եթէ եղած դրութիւնը չը փոփոխվի:—

Նորայր

ՆԱՄԱԿ ՂՈՒԲԱՅԻՅ

Մայիսի 26-ին

Մովսէս Խորենացու վկայութեամբ հայերը դեռ քրիստոնէութիւնը ընդունելուց մի դար ու կէս առաջ բնակվում էին դաշտավայրում, որը հիմայ մտնում է Ղուբայի գաւառի գծի մէջ: Բայց մեր գաւառը չէ ներկայացնում նշանաւոր հեռքեր, որոնք հաստատվին, որ հայ ժողովուրդը վաղմի դարերում բնակութիւն գցած լինէր այստեղ: Չունենք մենք այն սրանչիլի տաճարները, արձանները և պալատները, որոնք, օրինակի համար, Երևանեան նահանգում, վկայում են թէ հայերը ինչ նշանաւոր կուլտուրական աստիճանի վրա էին կանգնած: Միակ նշանները, որոնցով կարելի է հաստատել, թէ հայերը մեր գաւառում մի ոչ հեռու ժամանակ բազմակի էին, քան թէ հիմայ՝ այս գերեզմանեղին են և մի քանի գիւղերի ու տեղերի հայոց անունները, որ հիմայ բնակվում են թուրքերը: Այս գերեզմանները ցրված են գաւառի դաշտավայրի վրա, անտառների մէջ և գտնվում են քաղաքից 25, 30 վերստ հեռաւորութեամբ: Գերեզմանաքարերի արձանագրութիւնները չափազանց կրճատած են. մի քանիսները արձանագրութիւն չունեն, բայց միայն փորագրված են նրանց վրա արեգակի, աղեղի, նետի, վահանի, կոշիկների և կաշկարաքի ձևերը և առհասարակ այն առարկաների պատկերը, որոնք ծառայում էին նրանց յայտնի արուեստների պարապմունքներին: Վերջապէս կան և այնպիսի քարեր, որոնց վրա բնախն ու չինչ դուրս բերված չէ՝ ոչ խօսքեր, ոչ որ և իցէ առարկաների պատկերներ:

Ասիայի կարելի է տեսլ, որ այս գերեզմանաքարերի ու գերեզմանների հետազոտութիւնը կարող է փոքր ինչ լոյս ձգել այն հարցի վճակու վրա, թէ հայերը որ դարից են սկսել գաղթել Ղուբայի գաւառը:

Ներկայումս հայերը բնակվում են միայն երկու գիւղում՝ Նոր-Խաչմագում և Կիլվարում. առաջինում—թուրքերի հետ խառն՝ 30 տուն հայ, 10 տուն թուրք, իսկ երկրորդում—միայն հայեր և թեմ. հարիւր չորս տուն են: Բացի սրանցից մօտ հարիւր տուն հայ բնակվում են Ղուբայ քաղաքի մէջ և 20 տուն—Ղուբայում, ուր դրամանվում է շիրվանեան գիւնուրական գունդի բնակարանը. բայց ոչ քաղաքի և ոչ Ղուբայի բնակիչները բուն դուրապցիներ չեն, այլ եկած են Կովկասի միւս գաւառներից, 1830 թից ըսկած: Կեռ ևս ոչ հեռու ժամանակ հայերը մեր գաւառում բազմակի էին, քան թէ հիմայ: 1792 թից, երբ կամ Չուբովի զօրքերը պաշարում էին Ղուբայի դաշտավայրը, մեր գաւառը ունէր մի քանի գիւղեր հայ բնակիչներով: Հին Խաչմագ. Ղարաջալի, Բարալի, Փաղար, (ներկայումս այս գիւղերում թուրքեր են բնակվում). բայց որովհետեւ այս գիւղերի հայերը բարեկամարար և ուրախութեամբ ընդունեցին ուսանելիքին, միշտ նպատակով նրանց պաշարով, չէին կարող ուսանելի գնալուց յետոյ դարձեալ մնալ թուրքերի մէջ. այս պատճառով ստիպված էին Չուբովի զօրքերի հետ գաղթել Ռուսաստան, Ղլուսուրապէս Ղլար և Ասարախան. դեռ հիմայ էլ կայ Ղլարի գաւառում մեր դուրեցի գաղթականների մի գիւղ՝ Ղարաջալի անունով:

Այսպիսով բազմակի հայ գիւղերից այս բուպիս մենք ունենք հայ բնակիչներով միայն երկու գիւղ՝ Նոր-Խաչմագ և Կիլվար: Սակայն, եթէ նայենք սրանց վրա այն տեսակետից, որ մի ժողովրդի ազգութիւնը որոշելու համար հարկաւոր է խմանալ, թէ այդ ժողովուրդը ինչ լեզուով է խօսում, կամ ինչ սովորութիւններ ունի, այն ժամանակ հազիւ թէ մեր խաչմագցիներին ու կիլվարցիներին կարելի կը լինէր ճանաչել հայ ազգութեան պատկանող անգամներ: Կորցնելով իրանց մայրենի լեզուն, աւանդութիւնները, նրանք միայն նրանով են զանա-

